

Headline	Dua pusat rawatan dibuka pada musim haji		
MediaTitle	Utusan Malaysia		
Date	24 Jun 2016	Color	Full Color
Section	Dlm Negeri	Circulation	171,663
Page No	22	Readership	563,000
Language	Malay	ArticleSize	237 cm ²
Journalist	Melaporkan dari MEKAH, ARAB SAUDI	AdValue	RM 4,727
Frequency	Daily	PR Value	RM 14,181



Dua pusat rawatan dibuka pada musim haji



MEKAH 23 Jun - Dua pusat rawatan akan dibuka di sini dan Madinah bagi memberi perkhidmatan kesihatan kepada 22,320 jemaah Malaysia pada musim haji tahun ini.

Konsul Haji Tabung Haji, Datuk Redhuan Sabaruddin berkata, 16 doktor pakar, 31 doktor perubatan dan seorang doktor pergigian dibawa oleh Tabung Haji.

Menurutnya, pusat perubatan di Madinah akan beroperasi di bangunan Tabung Haji al-Jaffrey manakala di sini pula berhampiran tempat melontar jamrah.

"Doktor berkenaan adalah antara 250 petugas perubatan yang dibawa Tabung Haji untuk merawat jemaah yang menghadapi masalah kesihatan," katanya kepada wartawan Malaysia ketika melawat bangunan perubatan tersebut di sini hari ini.

Redhuan berkata, pusat rawatan Tabung Haji menyediakan kemudahan seperti khidmat doktor



REDHUAN SABARUDDIN menunjukkan antara peralatan untuk rawatan pergigian di pusat rawatan Tabung Haji di Mekah, Arab Saudi, semalam.
- UTUSAN/MOHD. FAIRUZ YUSOF

pakar, khidmat kejururawatan, rujukan pesakit luar, rawatan kecemasan serta rawatan pesakit dalam dan pemulihan.

Jelasnya, perkhidmatan lain yang diberikan adalah rujukan ke Hospital Arab Saudi, stor farmasi dan bekalan, bilik gerakan perubatan, kaunter farmasi pesakit luar, makmal perubatan, fisioterapi dan x-ray.

"Pasukan ini kita bawa khas dari Malaysia bagi memberi perkhidmatan kepada jemaah Malaysia dengan kerjasama Kementerian Kesihatan," katanya.

Selain itu menurutnya, klinik juga dibuka di semua maktab penginapan bagi memberi rawatan kepada pesakit yang menghadapi masalah penyakit tertentu.